

Y Cyfarfod Llawn

Dyddiad y cyfarfod:
Dydd Mercher, 7 Tachwedd 2012

Amser y cyfarfod:
13:30

Cynulliad
Cenedlaethol
Cymru

National
Assembly for
Wales



Agenda (93)v3

1. Cwestiynau i'r Gweinidog Addysg a Sgiliau (45 munud)

[Gweld y cwestiynau](#)

2. Cwestiynau i'r Gweinidog Llywodraeth Leol a Chymunedau (45 munud)

[Gweld y cwestiynau](#)

3. Datganiad gan Peter Black: Cyflwyno Bil arfaethedig Aelod – Bil Safleoedd Rheoleiddiedig Cartrefi Symudol (Cymru) (30 munud)

4. Dadl y Ceidwadwyr Cymreig (60 munud)

NDM5084 William Graham (Dwyrain De Cymru)

Cynnig bod Cynulliad Cenedlaethol Cymru:

1. Yn talu teyrnged i aberth ac ymrwymiad aruthrol y rheini sydd wedi gwasanaethu yn ein Lluoedd Arfog;
2. Yn mynegi pryder am ddiffyg cydlyniant a chapasiti gwasanaethau yng Nghymru i gefnogi cyn-filwyr sy'n dioddef anhwylder straen wedi trawma ac yn nodi'r rôl y gall y trydydd sector ei chwarae wrth ddarparu gwasanaethau wedi'u cydlynu i gyn-filwyr;
3. Yn nodi canfyddiadau Adroddiad Gofal Iechyd a Chymuned y Lluoedd Arfog yng Nghymru ac yn galw ar Lywodraeth Cymru i ystyried yn fanwl sefydlu canolfan breswyl yng Nghymru ar gyfer cyn-filwyr gydag anhwylder straen wedi trawma; ac
4. Yn cydnabod y rôl hanfodol y mae cofebion rhyfel yn ei chwarae wrth sicrhau nad yw aberth y bobl hynny sydd wedi gwasanaethu yn ein Lluoedd Arfog byth yn mynd yn angof, ac yn nodi pwysigrwydd gwarchod cofebion rhyfel yn rhan allweddol o

dreftadaeth Cymru ac fel canolbwynt ar gyfer cofio.

Gellir gweld Adroddiad Gofal Iechyd a Chymuned y Lluoedd Arfog yng Nghymru drwy fynd i:

<http://www.wales.nhs.uk/sitesplus/documents/865/Armed%20Forces%20Report%202012-04-03%20-%20Welsh%20-%20Web%20PDF.pdf>

Cyflwynwyd y gwelliant a ganlyn:

Gwelliant 1 – Jane Hutt (Bro Morgannwg)

Ym mhwynt 2, dileu popeth cyn ‘rôl’ a rhoi yn ei le: ‘Yn nodi’r buddsoddiad diweddar a wnaed mewn gwasanaethau yng Nghymru i gynorthwyo cyn-filwyr sy’n dioddef anhwylder straen wedi trawma, ac yn derbyn pa mor bwysig yw’r’

5. Dadl Plaid Cymru (60 munud)

NDM5086 Jocelyn Davies (Dwyrain De Cymru)

Cynnig bod Cynulliad Cenedlaethol Cymru:

1. Yn nodi bod:

a) Llywodraeth Cymru wedi dynodi mai partneriaethau gwella ysgolion rhanbarthol yw’r ateb ar gyfer mynd i’r afael â’r methiant systematig ym myd addysg;

b) y cynllun bandio ar gyfer ysgolion uwchradd wedi dynodi bod angen gwella ysgolion ym Mandiau 4 a 5 ar fyrder;

2. Yn gresynu nad oedd yr holl bartneriaethau gwella ysgolion rhanbarthol ar waith erbyn mis Medi 2012 fel yr addawyd; a

3. Yn galw ar Lywodraeth Cymru i sicrhau bod:

a) y consortia addysg rhanbarthol ar waith yn llawn cyn gynted â phosibl; a

b) bod yr ysgolion a roddwyd yn y bandiau is yn cael y cymorth angenrheidiol ar unwaith i fynd i’r afael â methiant systematig.

Cyflwynwyd y gwelliannau a ganlyn:

Gwelliant 1 – Aled Roberts (Gogledd Cymru)

Cynnwys pwynt 1 newydd ac ail-rifo yn unol â hynny:

Yn nodi’r gwaith pwysig y mae penaethiaid, athrawon a llywodraethwyr yn ei wneud o ddydd i ddydd i sicrhau’r addysg orau bosibl i’n plant.

Gwelliant 2 – Jane Hutt (Bro Morgannwg)

Yn is-bwynt 1a, ar ôl ‘partneriaethau gwella ysgolion rhanbarthol’, ychwanegu ‘, ynghyd â’r diwygiadau addysgol eraill a gefnogir gan y cynllun gweithredu i wella ysgolion a lansiwyd yn ddiweddar a chydweithredu effeithiol ehangach rhwng gwasanaethau cyhoeddus,’

Gwelliant 3 – Aled Roberts (Gogledd Cymru)

Ym mhwynt 1b, dileu popeth ar ôl ‘ysgolion uwchradd,’ a rhoi’r canlynol yn ei le: yn ddiffygiol iawn, ac nad oes gan athrawon, rhieni na disgyblion hyder ynddo.

Gwelliant 4 – Jane Hutt (Bro Morgannwg)

Dileu pwynt 2.

Gwelliant 5 – William Graham (Dwyrain De Cymru)

Ychwanegu pwynt 3 newydd ac ailrifo yn unol â hynny:

Yn galw ar Lywodraeth Cymru i egluro pam y methwyd â rhoi partneriaethau gwella ysgolion rhanbarthol ar waith cyn y dyddiad a bennwyd.

Gwelliant 6 – Aled Roberts (Gogledd Cymru)

Ym mhwynt 3a, dileu popeth ar ôl ‘rhanbarthol,’ a rhoi’r canlynol yn ei le:

yn cynnwys ymgeiswyr o’r safon uchaf bosibl ac yn gwbl weithredol cyn gynted â phosibl ac, os nad yw hyn yn bosibl yn y chwe mis nesaf, bod rôl y consortia addysg rhanbarthol yn nyfodol system addysg Cymru yn cael ei hadolygu.

Gwelliant 7 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn nodi sut y gallai gweithredu’r Grant Amddifadedd Disgyblion yn llwyddiannus gael effaith fuddiol ar gyrhaeddiad mewn ysgolion.

Gwelliant 8 – Aled Roberts (Gogledd Cymru)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i weithio gydag ysgolion, athrawon a phartneriaethau gwella ysgolion i sicrhau bod y Grant Amddifadedd Disgyblion yn cael ei ddefnyddio yn y modd gorau posibl, er mwyn sicrhau bod pob plentyn yn gallu cyflawni ei botensial.

Gwelliant 9 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn gresynu bod Llywodraeth Cymru wedi methu â gweithredu pecyn cymorth helaeth a gwahaniaethol ar gyfer ysgolion uwchradd ym Mandiau 4 a 5 y mae angen eu gwella ar frys.

Gwelliant 10 – William Graham (Dwyrain De Cymru)

Ychwanegu pwynt newydd ar ddiwedd y cynnig:

Yn nodi nad yw 96.5 y cant o benaethiaid ysgolion cynradd yng Nghymru yn credu y bydd cynigion ar gyfer bandio ysgolion o fudd i'w hysgol, ac yn credu y gallai diffyg cefnogaeth o'r fath gan y sector i un o bolisiâu allweddol Llywodraeth Cymru gael effaith negyddol ar unrhyw agenda i wella ysgolion.

6. Dadl Democratiaid Rhyddfrydol Cymru (60 munud)

NDM5085 Aled Roberts (Gogledd Cymru)

Cynnig bod Cynulliad Cenedlaethol Cymru:

1. Yn nodi:

- a) nad yw Pwyllgor Gwasanaethau Iechyd Arbenigol Cymru, ar 31 Hydref 2012, wedi cytuno ar gyllideb gyda Gwasanaeth Ambiwlans Cymru ar gyfer blwyddyn ariannol 2012–13;
- b) nad yw Gwasanaeth Ambiwlans Cymru yn gallu paratoi cynlluniau gwasanaeth priodol oherwydd diffyg eglurder ariannol; ac
- c) am y pedwar mis diwethaf yn olynol, nid yw Gwasanaeth Ambiwlans Cymru wedi cyflawni ei darged Cymru gyfan lle mae ambiwlansys yn ymateb o fewn wyth munud i 65% o alwadau Categori A (lle mae bywyd yn y fantol).

2. Yn galw ar Lywodraeth Cymru i:

- a) sicrhau bod Pwyllgor Gwasanaethau Iechyd Arbenigol Cymru yn cytuno ar gyllideb gydag Ymddiriedolaeth Gwasanaeth Ambiwlans Cymru ar gyfer blwyddyn ariannol 2012–13 fel mater o frys;
- b) amlinellu rôl Ymddiriedolaeth Gwasanaeth Ambiwlans Cymru o ran ad-drefnu'r gwasanaeth a'r effaith y gallai'r ad-drefnu hwnnw ei chael ar eu cyllideb a'u perfformiad;
- c) asesu ar fyrder y cymorth sydd ar gael i Wasanaeth Ambiwlans Cymru fel y gall gyrraedd ei darged amser ymateb o 65% y cytunwyd arno; a
- d) adolygu'r trefniadau ar fyrder lle mae Pwyllgor Gwasanaethau Iechyd Arbenigol Cymru, sef pwyllgor sy'n cynnwys cynrychiolwyr o'r holl Fyrddau Iechyd Lleol, yn gorfod cytuno ar gyllideb ar gyfer ymddiriedolaeth arall.

Cyflwynwyd y gwelliannau a ganlyn:

Gwelliant 1 – Jane Hutt (Bro Morgannwg)

Dileu pwynt 1.

Gwelliant 2 – Aled Roberts (Gogledd Cymru)

Ym mhwynt 1a, dileu ‘yw’ a rhoi ‘oedd’ yn ei le.

Gwelliant 3 – Aled Roberts (Gogledd Cymru)

Ym mhwynt 1b, dileu ‘yw’ a rhoi ‘oedd’ yn ei le.

[Os derbynnir gwelliant 4, bydd gwelliant 5 yn cael ei ddad-ddethol]

Gwelliant 4 – Jane Hutt (Bro Morgannwg)

Dileu is-bwynt 2a.

Gwelliant 5 – Aled Roberts (Gogledd Cymru)

Dileu pwynt 2a.

[Os derbynnir gwelliant 6, bydd gwelliant 7 yn cael ei ddad-ddethol]

Gwelliant 6 – Jocelyn Davies (Dwyrain De Cymru)

Dileu is-bwynt 2d a rhoi yn ei le:

Galw ar y Gweinidog i gymryd cyfrifoldeb dros osod cyllideb Gwasanaeth Ambiwylans Cymru.

Gwelliant 7 – Jane Hutt (Bro Morgannwg)

Dileu is-bwynt 2d a rhoi yn ei le: ‘parhau i asesu’r trefniadau rhwng Pwyllgor Gwasanaethau Iechyd Arbenigol Cymru, y Byrddau Iechyd Lleol ac Ymddiriedolaeth Gwasanaethau Ambiwylans Cymru er mwyn sicrhau bod trefniadau llywodraethu ac ariannu cadarn yn dal ar waith.’

Gwelliant 8 – William Graham (Dwyrain De Cymru)

Ychwanegu ar ddiwedd y cynnig:

Yn nodi’r rôl hanfodol y mae Gwasanaeth Ambiwylans Awyr Cymru yn ei chwarae wrth gynorthwyo Gwasanaeth Ambiwylans Cymru i ymateb i achosion brys yng Nghymru.

Gwelliant 9 – William Graham (Dwyrain De Cymru)

Ychwanegu ar ddiwedd y cynnig:

Yn galw ar Lywodraeth Cymru i weithio gyda Gwasanaeth Ambiwlans Awyr Cymru i gynllunio gofal brys a darparu digon o gyllid uniongyrchol i'r gwasanaethau hynny, er mwyn helpu Gwasanaeth Ambiwlans Cymru i gyflawni ei amcanion allweddol.

Gwelliant 10 – William Graham (Dwyrain De Cymru)

Ychwanegu ar ddiwedd y cynnig:

Yn gresynu bod GIG Cymru yn wynebu'r toriadau iechyd termau real mwyaf o holl wledydd y DU, ac y gallai hyn gael effaith andwyol ar Wasanaeth Ambiwlans Cymru.

Cyfnod Pleidleisio

7. Dadl Fer: GOHIRWYD i 28 Tachwedd

NDM5083 Nick Ramsay (Mynwy):

Asbestos mewn ysgolion: Datgelu'r wybodaeth yn hytrach nag atal hawl rhieni i gael gwybod amdani.

Cynhelir Cyfarfod Llawn nesaf y Cynulliad am 13:30, Dydd Mawrth, 13 Tachwedd 2012